

# Suliassaq ataqatigiissaarisooq

ilinniartuuffik ↔ ilinniarfik


## ALLAFFIK

### **Suliassaq ataqatigiissaarisooq ilinniartuuffik ↔ ilinniarfimmianneq sunaava**

*Ilinniarfimmianneq suliffimmilu ilinniartinneqarneq, sapinngisamik pitsaanerpaamik ataqatigiissuutinneqaqqullugit imminnullu ataqatigiissaarneqarsinnaaqqullugit TNI-mi ilinniartitaanermi suliarineqartartussaavoq ataqatigiissitsilluni suliassaq ilinniarfimmianneq ↔ ilinniartuuffik.*

*Suliassat ataqatigiissaarisut, ilinniartumit ilinniartuuffimmi ilinniartinneqarnerit nalaanni, suliarineqartassapput imarissallugillu*

1. *Qulequttat ilinniartup ilinniarfimmiiinnerminit, piffissami tulliuuttumi ilinniartuuffigisamini, ilinniartinneqarnissaminut nassatai.*
2. *Suliassat ilinniartitsissutigineqartussat imaluunniit taakkua ilaat, ilinniartup ilinniarfimmukarnissaq sioqqullugu, ilinniartinneqarnermi nalaani suliarisassai*
3. *Suliassat paasissutissallu, ilinniartup ilinniarfigisaminiinnermini katersorlugillu suliarisassai, tullianilu ilinniarfimmiiinnissaminut nassatassai.*



*Piffissanut ilinniarfigisanut tamanu t ataqatigiissaarisumik suliassiissuteqarpoq.*

*Ataqatigiissaarisumik suliassaq, ilinniartup ilinniarfimiinnermini tigussavaa; siullerli najukkami aallarnisarneqarnerup ingerlanerani. Peqatigitillugu suliassaq ilinniartuuffimmut nassiunneqassaaq.*

- *Suliassap pilersaarusiorneqarnissaa naammassiniarneqarnissaalu, ilinniartup akisussaaffigaa.*
- *Suliassap naammassiniarnissaanut ilinniartup qanoq iliornissaa, suliassani ataasiakkaani nassuiarneqar-simasarpoq.*
- *Suliassap naammassiniarnissaanut, ilinniartuq ilinniartuuffimmini piffissaqartinneqarlunilu periarfissa-qartinneqassaaq.*

1. **Ilinniarfiup innersuussutigiumavaa, Najukkami Inuussutissarsiutinut Ilinniarfimmi (sa-paatit akunnerit 2-4-ni) aallarnisaavigineqarnermut malitsigitatut, ilinniartup suliffeqar-fimmi / immikkoortotaqarfimmi ilinniartitsinermit akisussaasoq,** (aamma immaqa sulisut allat) **sivikitsumik aallarnisaasimaneq pillugu oqaluttuutissagaa. Soorlu makkuusinnaasu-nik:**

- Aallarnisaanermiit qulequttat imarisaallu suut, ilinniartup pingaarnepaasutut isumaqarfi-ginerai?
- Aallarnisaanermiit qulequttat imarisaallu suut, ilinniartup apeqqutissaqarfiginerai?
- Ilinniarnermiit quppersagaasiviup saqqummiunneqarnera.

2. **Piffissami tassani ilinniartuq – suliffiup ilinniartuuffiup kissaatigisai ingerlaneralu malil-lugit - suliarineqartunik assigiinngitsunik ilinniartinneqassaaq. Ilinniarfimmit sakkor-tuumik innersuussutigineqassaaq, suliassaqarfiit taakkua sisamaasut iluanni, suliassanik, suliassanillu ingerlassisarnermik atituumik ilinniartuq sulisinneqassasoq** (takuuk ataani sopiaanerisa allattorsimaffiat):

- Suliassaqarfiit taakkua sisamaasut iluanni, ingerlassinerit ilaat illit ilinniartutut, piffis-sami tassani suliarisimasatit allaaserikkat (takuuk ilinniartitaanissamut pilersaarusiaq).

**Ilinniarfimmit aammattaaq innersuussutigineqassaaq, suliffeqarfik pillugu makkuninnga ilinniartuq paasissutissinneqassasoq:**

- Suliffeqarfiup paasissutissiissutigineqarnera, matuma iluani suliffeqarfiup aqqissugaa-nera immaqalu sulisunut quppersagaataa.

3. **Ilinniarfimiinnissamut siullermut, SK1-mut, siullermut piareersaatit, ilinniartuq su-liassanik pissutsinillu makkuninnga suliffeqarfimmi suliaqassaaq:**

### ***Misissuineq***

- Suliffeqarfik ilinniartuuffillu pillugit:
  - Suliffeqarfimmi qassit sulisorineqarpat?
  - Sooq taamatorpiaq amerlatigippat?
  - Sunik ilinniagallit sulisutut atorfeqartitaappat?
  - Sooq taamatorpiaq ilinniagallit?
  - Suliffeqarfimmi sulisut piffissani suni sulisarpat?
  - Suliffeqarfiup aqqissugaanera

Qulequttat taakkua atuartitsissummi "Intro"-mi ilinniarfimiinnerup 1-ip nalaani sammisassaapput.

- Suliffeqarfiup avammut isikkua, aamma pisisartut/sullitat/atuisut sullinneqarnerat pillugu:

Atisanut/unifoorminut tunngatillugu suliffeqarfik sunik piomasqaateqarpa?  
Sooq atisanut/unifoorminut piomasat taakkorpiaappat?  
Suut sulisunut nalinginnaasumik pisisartunit/sullitanit/atuisunit saaffiginnis-  
sutigineqartarpat?

Qulequttat taakkua atuartitsissummi "Psykologi aamma sullissineq" aamma "Sammiveqartumik suliniut"-  
mi ilinniarfimmiinnerup 1-ip nalaani sammisassaapput.

Misissuinerit suliffeqarfiup aaqqissugaanerani ilallugit, allaganngorlugit, ilinniarfimmiinnissamut  
siullermut nassarneqassapput.

### **Piffissaq ilinniartinneqarfiusoq 1**

Ilinniartuuffimmi piffissaq ilinniartinneqarfiusoq nr. 1 sapaatit akunneri 8-it missaannik sivissus-  
suseqassaaq, ukiullu ilinniarfigisap siulliup aallartinnerani august-oktober-ip missaani inissinneqar-  
simassalluni.

Piffissami tassani, ilinniartup ilinniarnissaanut pilersaarusiaq, suliarineqarluni aallartinneqassaaq.  
Ilinniartitaanermut pilersaarusiame tamanna misissoruk.

### **Ilinniarfimiinneq siulleq:**

Piffissap ilinniartinneqarfiup matuma kinguninnguagut ilinniarfimiinneq:  
Sivissusissaa piffissaalu: sapaatit akunnerit 8, oktoberimiit – decemberimut  
Sammivik: Uanga ilinniagaralu.  
Sammiveqartumik suliniut: TNI-mi ilinniartuuneq.

### **Sorpiaanerisa allattorsimaffiat**

Allaffissornermi suliat ingerlanneqartarnerat, ingerlassinernut sisamanut agguataagaavoq:

- Suliffeqarfiup attaveqagateqarnera sullissinalu
- Suliffeqarfiup allaffissornermik suliasai suliarinnittarneralu
- Suliffeqarfiup naatsorsuutini aningaasanillu ingerlatsinera
- Suliffeqarfiup IT-mik atuinera

Suliasaqarfiit ataasiakkaat iluini ingerlatsinerit ilinniartitaanermut pilersaarusiame allattorsimapput (taanna takujuk).